

U.G. "Zajedno za naš grad" Mostar u skladu sa Zakonom o Udruženjima/Udrugama i Fondacijama Bosne i Hercegovine ("Službeni glasnik BiH", br. 32/01 i 42/03) i članom 21 i 25 Statuta U.G. ZAJEDNO ZA NAŠ GRAD, Upravni odbor i predsjednik Udruženja/Udruge raspisuje

KONKURS/NATJEČAJ

za dodjelu 8 (osam) stipendija studentima za period od 1.06.2017 do 1.06.2018.g. u iznosu od 150 KM mjesečno.

I Opšti/opći uslovi/uvjeti koje trebaju ispuniti studenti za dodjelu stipendije su:

1. da su državljani Bosne i Hercegovine,
2. da imaju prebivalište na području opštine/općine Mostar,
3. da su redovni/redoviti studenti druge i treće godine po Bolonjskom procesu studiranja,
4. da studiraju na Univerzitetu "Džemal Bijedić" ili Sveučilištu u Mostaru na studijima Informatike, Komunikologije, Novinarstva/Žurnalistike i Prava.
5. da ne primaju stipendiju od drugog davatelja/donatora ili studentski kredit ili subvenciju za smještaj u studentskom domu i
6. da nisu stariji od 26 godina.

II Posebni uslovi/uvjeti koje trebaju ispuniti studenti za dodjelu stipendije su:

1. dijete poginulog borca/branitelja iz proteklog rata,
2. dijete iz socijalno ugroženih porodica/obitelji,
3. dijete bez jednog ili oba roditelja,
4. dijete invalida rata i civilnih invalida (invaliditet 60% i više),
5. dijete iz porodica/obitelji sa četvero i više djece na redovnom/redovitom školovanju ili predškolske dobi,
6. dobitnik rektorove ili dekanove nagrade.

III Student će ostvariti novčanu pomoć ukoliko ispunjava sve opšte/opće i barem jedan od posebnih uslova/uvjeta.

IV Odluku o dodjeli stipendija studentima donosi Komisija formirana od strane Upravnog odbora Udruženja/Udruge.

V Uz zahtjev (sa naznakom kontakt telefona) za dodjelu stipendije student je dužan priložiti slijedeću dokumentaciju:

1. Uvjerenje o prebivalištu ne starije od 3 (tri) mjeseca;
2. Dokaz da je student/dijete poginulog borca/branitelja (rješenje), invalid ili dijete invalida (rješenje), iz porodice/obitelji sa četvero djece na redovnom/redovitom školovanju ili predškolske dobi (rodni listovi i potvrde ustanova o redovnom/redovitom školovanju);
3. Potvrde fakulteta:
 - da je redovan/redovit student i
 - da nije ponavljao niti jednu godinu studija osim iz opravdanih razloga;
4. Ovjerenu izjavu da ne prima stipendiju od drugog davatelja/donatora, studentski kredit ili subvenciju.

VI Rok za podnošenje prijava je 15 (petnaest) dana od dana objavljivanja Konkursa/Natječaja na Facebook stranici Udruženja/Udruge (<https://www.facebook.com/ug.zajednozasgrad.mostar>).

Prijave na Konkurs/Natječaj s priloženom dokumentacijom podnose se putem elektronske pošte na adresu zajednozasgrad@outlook.com ili na adresu U.G. „Zajedno za naš grad“, M. Tita 154 a, 88000 Mostar s naznakom „Komisija za provedbu Konkursa“.

Sve dodatne informacije zainteresovani/zainteresirani mogu dobiti na telefon 060 317 96 41.

Neblagovremene i nepotpune prijave neće se razmatrati.

Prijave sa dokazima o ispunjavanju uslova/uvjeta za dodjelu stipendije neće se vraćati podnositeljima.

Svi sudionici Konkursa/Natječaja bit će obaviješteni na Facebook stranici Udruženja/Udruge (<https://www.facebook.com/ug.zajednozasgrad.mostar>) o rezultatima Konkursa/Natječaja u roku od 10 (deset) dana od dana donošenja odluke o dodjeli stipendije.

S poštovanjem,
Predsjednik Udruženja/Udruge
Nermin Mehić